



Uunga siunnersuut: Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allangortinneqarnera pillugu Inatsisartut inatsisaat (Inissianik attartortittakkanik pigisatut inissianngortitsineq, kaaviaartitsinissamut inerteqqut, piffissaq sioqqullugu taarsigassarsianik akiliineq il.il.)

(Ineqarnermut Attaveqaasersuutinullu Naalakkersuisoq)

(Siullermeerneqarnera)

Qujanaq Naalakkersuisut siunnersuummut.

Demokraatit pingaernerpaatut isumaqarput, tamatsittut pitsaasuusoq, amerlanerpaat namminneerlutik inigisartik pigippassuk.

Siullermik eqqaamassavarput, amerlanerpaat inigisartik pigilerpassuk, ininik attartortakkanik pisariaqartitsineq millissammat. Tamannalu siunissami inissaminnik utaqqisorpassuit ikilisinnerannik kinguneqassalluni.

Aappaatigut pitsaasuvoq, inigisaq nammineq pigisaq ileqqaarnertut aningaasaliinertullu immat, qaamammut ineqarnermut akiliut nalilimmik pigisaqalernissamut akiliutaammat, siunissami tunineqarsinnaasoq aningaasatigut iluanaarutaalluarsinnaasumik. Inimut attartukkamut akiliut akerlianik akiliutaannaavoq, utertinneqarsinnaanngitsoq.

Pingajussaaniq illumik piginnittutut illu tamakkiisumik oqartussaaffigineqassaaq namminerlu iluarisamik naleqqussarsinnaallugu attartortitsisoq akuersiseqqaarnagu.

Taakku saniatigut Demokraatit isumaqarput, pitsaasuusoq, inuusuttut 30-vit inorlugit ukiullit maannakut attartortunut sanillersuunneqalermata soorlu assersuutigalugu, pisortanit pitsaasunik piumasaaqartitaqartunik pisortanit taarsigassarsinissamut. Uagutsinnut pingaartuuvoq, inuusuttunut illumik pisinissap ajornannginnerulernissaa. Aammali tassunga atatillugu pingaartipparput, illumik pisinissamut paasissutissat qaffasissumik pitsaassuseqarnissaat. Uani minnerunngitsumik eqqarsaatigaara, isertuunngitsumik paasissutissiisutigineqartassasoq, illumik pisinermi suut naatsorsuutaassanersut, nutarterinermut aningaasartuuteqassasoq aammalu aserfallatsaaliuinerlutik aningaasartuuteqartuutassasoq. Taakku aningaasartuutit illumik pisisussat missigersuutaani ilanngullugit eqqarsaatigineqassammata.

Naggataatigut iluarisimaarparput, siunnersuummi siunertaammat, kommunit Namminersorlutillu Oqartussat allaffeqarfiisa aqqissuussanik aqutsinera oqilisaanneqassammat. Taassuma kingunerisariaqarpaa allaffissornikinnerulerneq aammalu pisortat allaffeqarfiata annikillisinneqarnissaanik



Demokraatit anguniagaannut tapersiissutaalluni.

Soorlu oqareersugut Demokraatit siunnersuummut akuersaarput, kissaatigaluguli, Naalackersuisut uku apeqquteqaatit akissagaat:

- Naalackersuisut eqqarsaasersuutigisimanerpaat suliniutissatut siunnersuutit maannakkut illunit piginnittooreersunut pitsaanngitsumik kinguneqarsinnaanerat, illut pigineqartut tuniniakkat pinngitsooratik qaffannissaat pissutigalugu?

Siunnersuut taakkunanga oqaaseqaatilerlugu Sanaartornermut ataatsimiititaliami suliareqqinneqartussatut innersuussutigineqarpoq.